

Bares word Rares

IN D' LUUR

Karin Böhmer

redaktion@on-online.de



„Bares für Rares“ heet de Sendung, na de se all mall sünd. Man in de relle Welt gelt ehrder: Bares word Rares. De Deiten un Schiens lopen alltied minner dör d' Hannen. De Lüü betahlen digitaal. Sogaar in de lüttje Ladens bi d' Buren kannst faak mit Kaart of mit Paypal dien Tuffels kopen. De Geldautomaat is vör en paar Jahr eerst an Stee van de Lüü achter de Schalters kamen. Nu steiht he sülvst up de Rode List för Saken, de nich mehr bruukt worden. Bold ännert sük wiss ok dat Bruukdom. Wurren in mien jung Johren Bruudschoh mit Pennings betahlt, wurr dat mit de Cents al minner. In Tokumst sölln de Bruden woll mit oll köttshneiden EC-Kaarten un oll Handys hör Footwark kopen mutten.
